



Inatsisartunut ilaasortaq Doris J. Jensen, Siumut

Kangilinnguit pillugu § 37 naapertorlugu apeqqummut nr. 121-mut 2019-imeersumut akissut

Inatsisartut Suleriaasianni § 37, imm. 1 naapertorlugu Kangilinnguit suneqarniarnersoq pillugu Naalakkersuisunut apeqquteqarputit. Apeqqutit uannut akineqartussanngortinneqarsimavoq.

Allakkap ullua: 11-03-2019
Suliap nr. 2019 - 5709
Akt. nr. 10167784

Naalakkersuisunut apeqqutigisat:

1. Kangilinnguit qanoq piniarpa?

Akissut:

Kangilinnguit ammaqpinneqarnissaat pillugu aalajangiineq Illersornissamut ministeeriaqarfimmiit naalakkersuisoqarfimmut december 2016-imi ilisimatitsissutigineqarpoq. Illersornissaqarfiup siunissami Issittumi suliaminik naammassinnittarnera pitsanngorsaaffiginiarlugu danskit naalakkersuisuisa aamma Socialdemokratiit, Dansk Folkepartiip Radikale Venstrellu isumaqatigiissutaasa ilaatut ammaqpinneq pivoq. September 2017-imi Kangilinnguani pigaartoqartarnek atuutsinneqalerpoq.

Apeqqummut pineqartumut tunngatillugu akissutissamma tapertassaanik Pinngortitamut, Avatangiisinut Ilisimatusarnermullu Naalakkersuisumut aamma pissarsiniarsimavunga:

"Ulloq 13. juni 2017 Illersornissamut ministeri Claus Hjort Frederiksen aamma Naalakkersuisut Siulittaasuat Kim Kielsen Kangilinnguit pillugu ataatsimeeqatigiipput. Ataatsimeeqatigiinnermi isumaqatigiissutigineqarpoq Kangilinnguani salineq aallartinneqassasoq. Ataatsimeeqatigiinnermi pinngortitami saliinissamut piffissaq ungasinnerusoq eqqarsaatigalugu piumasaqaatigineqartut Naalakkersuisunit aalajangiussimaneqarput. Kissaataasimavortaaq saliinissap piaarnerpaamik aallartinneqarnissaa.

Tamatuma saniatigut piffissaq ungasinnerusoq eqqarsaatigalugu saliinerup ingerlatiinneqarnissaa oqaluuserineqarpoq. Saliinissamut pilersaarutit Illersornissamut Ministeeriaqarfiup aamma Pinngortitamut, Avatangiisinut Ilisimatusarnermullu Naalakkersuisoqarfiup akornanni pitsaasumik oqaloqatigiissutigineqarput. Pingaartumik nuna mingutsinneqarsimasoq isumagineqartussaavoq. Kangilinnguani uuliamik mingutsitsisimanerup isumagineqarnissaanut tunngatillugu misiligummik suliniutissamut tunngavissaq Illersornissamut Ministeeriaqarfiup sulissutigaa."

Apeqqummut pineqartumut tunngatillugu akissutissamma tapertassaanik Illersornissamut ministeeriaqarfimmut aamma pissarsiniarsimavunga:

"Kangilinnguit ammaqpinneqarnissaat aalajangiiffigineqarmalli pinngortitami saliinissamut tunngatillugu Illersornissaqarfiup Kangilinnguaniinnissaa suleqatigiinnissarlu pillugit Illersornissamut Ministeeriaqarfiup Namminersorlutik Oqartussat aamma Kommuneqarfik Sermersooq oqaloqatigiuarsimavai. Tassunga

Postboks 1614
3900 Nuuk
Oqarasuaat (+299) 34 50 00
Allakkasuaat (+299) 34 54 10
E-mail: nap@nanoq.gl
www.naalakkersuisut.gl

atatillugu Arsummi innuttaasut Illersornissaqarfiullu akornanni Kommuneqarfik Sermersooq attaveqaataasimavoq. Tamatuma saniatigut Kangilinnguani sakkutooqarfiup pisortaata 2017-imi ammaaqqittoqarmalli Arsummi nunaqarfiit siulersuisuisa siulittaasuat pisortatigoortuunngitsumik oqaloqatiguarsimavaa.”

Inussiarnersumik inuulluaqqusillunga


Ane Lone Bagger